

長樂縣志卷之六

水利

湖塘 斗門 海隄 港 浦 壩 溪 溝 圳 陂 堰 洋 坑

治地者北方重在溝洫南方重在陂塘地勢不同措置自異長樂右山左海近海者患潮入必隄堰以障之負山者慮泉洩必湖塘以潴之或千百家分潤或數十族均需每遇亢旱之時往往至於鬪爭重煩官府履勘為之規畫今將湖塘陂堰各區一明其疆界凡案牘碑記備載不遺庶賦畝之氓安於作息有讓畔無侵畔一反叟訟之澆風焉作水利志

水利論略

長樂枕山負海其水有流有潴有經有緯南鄉地勢高斜水道發源永福旁帶閩縣斜沿福清直下數十里以南陂為經

長樂縣志

卷之六

水利

湖

三溪等處其緯也清泉蕩漾四時不竭但直趨入海非潴之無以備旱北鄉勢處低窪中涵七十二洋東濱西嚴湖太常溪元祐諸港其緯也統會於王墓閘以陳塘為經水之歸海也紆而緩倘遇久雨北屬村落俱受其害非排之則難以洩流故南水利用潴堅設隄防餘潤且足沾及於北北水利用流疏濬陳塘巨浸兼不旁溢於南兩者舉南北之水患俱以無虞邑侯賀公春造南陂晚禾即收其利冬淪陳塘春澇不致淹苗厥功偉哉所貴南陂毋使頽圯北港時防壅閘安在燥原鹵隰不成為膏腴也哉

邑人陳永書撰

湖

延祥湖在二都龍門前澳一帶兩歧一自興濟橋而東接嶺柄港一



自橋而南東折直抵龜峯而盡舊基狹且淤明正統閒濬治深廣倍之通潮水往來民得舟楫以便農事凡溉田千餘畝

桃坑湖在九都卽桃枝湖也相傳五代時十都人房洗捨田爲之東西一百三丈四尺南北三百六十一丈五尺埤埭圳四派溉田種千餘石僞閩時爲指揮使邱進所有售林璉等爲田僅四頃宋咸平四年劉轉等訟之復爲湖宋熙甯四年林注等又訟高建等侵畔知縣蕭竑因括湖塘坡堰簿而圖之擇主立經界培隄岸立碑於湖之旁周五百一十丈濶一丈高八尺石斗門三圳長二千三百餘丈濶一丈二尺深六尺瀦乾溪水溉田二十九頃跨逍遙清平二里 國朝因強鄰車戾康熙五十五年奉憲立碑永禁碑在儀門

長樂縣志

卷之六

水利

二

湖

嗣堤岸崩壞乾隆二十有六年知縣賀世駿嚴飭鳩工修整四圳六廂立碑湖旁

小西湖在九都順治閒買民田一十六畝開成一廂一圳濶田一百五十畝

橫嶼湖卽福湖在縣治南十一都古傳福清縣橫嶼人見民田屢遭水旱遂捨田爲湖故名橫嶼湖或云自唐歷宋有林高二公捨田爲湖或卽其人周圍三百一十丈高九尺五寸濶一丈仍爲寶溝四長六千九百丈溉田種千餘石俗又呼爲北湖近湖居民以大利所在屢興獄訟宋元貞閒有張詠之訟地方官不能決遣朝官定之至明崇禎十二年湖內外之民又行爭訟知縣夏允彝親勘



審定兩院批立碑永遵

其審詞曰水之溉田不可盈虛也過盈則

慎焉如十一都一帶萬畝鱗鱗賴湖之水以溉之懼其虛也故築堤以障之懼其盈也故建斗門以洩之而苟不至太盈太虛則為木欄於堤內內不至於不足而堤外各戶皆取贍於內必內既有餘而後可以及外時值亢旱輒與內爭關係既巨眾力彌堅於是解者矣今年復有木欄之爭幾至聚眾羣閱糾結莫止此則曰鄧同府所設之欄不可移卑也彼則曰鄧同府所設之欄不堪移高也乃查同府舊案則遠不可考惟塘規刻本有木欄與低田平之語而低田之尺寸則未有明載遂互爭而未以有以定之及本縣親行細勘手自測量則此案一言可決且可勒為永規世世守之矣堤內之欄有三當本縣行勘之日正值陰雨既降之後眾流浩浩內外均給欄口之水量有六寸三欄無異同也而堤外之民宋可明等則為之說曰保定木欄乃因本縣行勘暫爾移高使與蓮花欄等本縣歸則蓮花欄如故而保定仍復移卑矣所以高蓮花而卑保定者保定堤外之田即係陳應鼎高汝俊等業田故嘗俾之沾足而蓮花堤外之田為宋可明等所佃與應鼎等痛癢不關故不惜其獨涸也然保定之田原非應鼎汝俊之產乃陳韋球業也應鼎等何愛於韋球何讎於可明等而故為盈縮耶量地勢而測

長樂縣志

卷之六

水利

三

湖

之其高卑亦復相等今斷於木欄之外離堤三尺開為通水之渠廣五尺深二尺自保定以迄蓮花通貫為一使應鼎等而擁之於內將不利於蓮花之田先焦灼保定之稼矣立是法也而應鼎等心服無閒謂吾向者之為木欄也止懼一洩無餘不堪以內有限之水供堤外無窮之洩若仍守保定舊式則內水既平外欄何敢吝焉即可明等亦不能更置一喙蓮花保定既通為一潤則均沾無所恨於人事早則兩竭共仰澤於天時而已無復有偏枯之嘆即韋球亦不得築防遏截也兩地初無高卑保定欄中之水嘗注蓮花蓮花欄中之水永注保定互相灌輸何取泥丸之封耶凡我父老所為竭蹶爭之者各求贍其生非私忿也各免責罰發東衙立標與工工成之日乃如眾請勒碑垂後為永規焉里人林起文陳士進記湖者水之都水者田之命長樂右山左海有湖十餘區以溉民田橫與湖其一也湖之週圍埤埝計丈千餘瑩石三百餘丈開四竇二滌以時閉洩湖下田受種一千三百餘石田之外一堤即海湖水可以禦旱可以滌滷有宋紹興間經界以湖內地稅派於湖下承食水利之田分三等高下加之稅比舊增三之一視諸鄉特重有紹興湖規人戶砵基可證湖湄以上田非受湖稅者水不攘取迨今守之湖之西接岷溪餘流其派有三歲久沙泥聚為土坂皆湖內受稅地也春雨作湖水溢沙坂皆沒農事畢時兩止則水落坂出狡者不知水利所係遂欲窺侵利已元貞元年



四月廉風里狡民張詠怙勢作威以豪奪為事率家僮五十人徑將湖內北坂指為開荒地而田之建興里百姓旅至湖而止之日不可此受稅地且水之所通也烏得奪縣月申並無荒開田土何謂開荒四月朔縣主簿姜榮到湖相視始知張詠詭作張林翁名帖請於官父老遮道口詆簿語曰今農務方興爾安田作無恐翌日合詞於縣詠囑典史康甯吏施天與單詞申府時主簿獨著事故爾縣不可直眾直於府府吏孫衝實詠謀主言皆右詠府判入忽答而此之衝懼而退他日復持上府尹張公尹亦知其為百姓地也詠稍屈請和歸地適府判出孫衝又呈復差甯德縣尹甯再視甯枉廢直道更不相度湖形且於眾中呼詠之悍僕面熟者為父老惟枉語是聽百姓進帖咸欲詰之帖面顛倒日月變亂是非口受屬吏書彙迫命百姓依本招伏眾持吏彙白之府格不下又白之省郎中歷閱文卷瞭然即署筆務要民便復下之府令依經斷與毋得徇私詠多方賄營訴者復得罪欲以箱其口百姓含茹莫吐天侈其逢閣里平章國公適按縣封問俗利害百姓喜曰宰相吾母也吾枉可直負郭西湖官地也尚使奪者令悉還歸地況吾民之受稅湖地耶亟迎遮馬首以訴詰朝平章馬騎湖所目實以決浮議一不得眩從行萬戶廉公理問高公干戶呂公宰掾尙公皆能將順其美相車次鄰都眾尾後乘堂堂軒蓋儼駢及縣呼諭百姓以本年之稻給與貧民眾復有所陳理問曰無復言宰相

長樂縣志

卷之六

水利

四

湖

議定矣茲日之稅暫活貧窘來春不得耕也父老歸而語子孫曰湖水泱泱源流深長此皆平章國公之澤微我公民其轍鮒矣緣百姓所爭非私也公也非田也水也非坂也湖也坂若成田異日流沙入湖湖復成坂則湖日蹙水日淺不數十年其無此湖民田何以溉民食何所仰此猶以一湖之利害言外是十餘區凡有奪里橫嶼一湖干百家之利而止哉嘗謂人無所不至惟天不可欺如詠者謂眾不足卹專欲必可成竭貲財以賈勢有姻族親友旁謀曲援以佐其鋒吾乃欲仗一理字掉三寸舌而與之爭不幾於精衛塞流嗚呼直今茲大遇豈非天耶豈非天耶我平章國公真天人也於是里之士民咸歌曰湖之水田所食閱唐宋迄今日嗟嗟狡童恣為蝨賊吏毒黨欺公道湮塞疇粒我民相公之澤渠歌白公永思繹繹勒 國朝道光年間與頭蔣姓與北湖鄭姓又以碑刻銘龜山之石

互爭湖坂控訟不休奉巡撫部院魏批司飭由福州府戴嘉穀提

訊斷結十八年五月知縣趙士昌遵奉憲斷勒碑永禁 碑在縣儀門外

上沙湖在十二都上接七都荻蘆陂水下注七都魯堰



鄭湖在十四都周二十丈橫塘一十二丈溉田三十畝歲久填滿經墾成田

濱澗湖在縣治東北唐天寶五年南郊沙合大厯中成田後里人倉曹林鷗捨田為湖集方樂崇仁和風三里人夫接五處山坡築堤為湖上曰濱湖下曰澗湖堤周一千三百丈高一丈五尺澗二丈寬八溝八礮八溉四里民田七百餘頃奏請立石於皇恩寺紀其界限以杜侵佔宋慶厯五年倉曹裔孫林成化等又集水利戶照地勢遠近作五等勾工修上下墜高澗仍舊後侵復不一明隆慶四年知縣蔣以忠始大興復詳載湖規新簿蔣以忠記濱澗非湖也唐大厯五年南郊沙合倉曹林公鷗與其配趙夫人捨田為之者也田曷以湖也注上流之水而吐納之灌千頃澤四里也田非水弗澤水非湖弗儲

長樂縣志

卷之六

水利

五

倉曹夫婦捐業建置宏哉惠也湖延袤凡二十餘里其地勢北上南下從中為堰以障之設閘一設斗門五設礮九立之榦以司啓閉立之長以主督察以勤巡視其規畫布置至纖悉足垂永也自唐大厯來而五代而宋而元以及我明垂千餘禩矣願湖壩多沃壤可稼穡歲收其入較恒田足三倍官且不稅豪奸睨其旁者羣攘而藝之如陳孝資林行章輩旋復旋侵莫止也噫嘻昔賢捨田為湖而豪奸乃攘湖為田匪以利民乃以厲民矣可嘆哉忠己已夏觀天曹政出宰長樂首至廉民疾苦及地方利弊進湖之長訪之乃湖長蔡宏立等率百餘人環拜號呼具湖圖陳始末厯厯指豪猾李昌謀等五十人姓名且泣曰往事姑無論即昌謀等竊據殆三十餘年今長子孫矣旱則閉關壅泉自澗澇則決堤激水橫流是彼五十家恒樂有年而四里萬戶實歲歲戚也忠為憮然即命黃丞文弼丈之乃丞惟公惟勤悉得占湖狀圖以歸忠立召諸豪猾賓諸理往相湖形限悉入所侵地凡二百六十六畝二分因思湖弗復民無田也復矣堰弗築民又無湖也復湖以溉田固堰以存湖然後法可久利可長也乃先後上議於代巡侍御蒙公水利道大參熊公大府邊公俱報可遂召匠伐石鳩工興事委河泊官程世璉監督堰之長凡一百一十五丈八尺高可一丈有奇澗稱之旁砌墾督思上覆塊石礮閘斗門悉行整理堅固倍昔其贊追占地之稅不以損上其力出受水之民不以煩下眾志競趨歡聲



載野經始於十月朔再越月告成焉堰之上復建廟三楹亭一楹  
崇祀倉曹夫婦報恩也每歲春秋二祭展恩也祭之日四里人僉  
來羅拜誓戒廟下申約也易置湖長二名顧餘三名塘之長六十  
名示守也忠嘗慨湖興以來占者凡幾復者凡幾卒不能拔本塞  
源而蔓延至於李昌謀等之恣肆何哉因從觀往牒則以墾開荒  
地抵補浮糧二說誤之也嗟乎地謂之荒必不毛而後可也茲湖  
積水蔭民厥功渥矣烏得以荒警之建湖之始四里民每畝受虛  
稅三分湖無留稅矣烏用抵補為乃豪猾興詞每持二說以惑上  
聽者稍弗精究往往墮其欺而不知噫弊也久矣始倉曹捨田時  
樹碣於湖旁曰湖水弗竭由縣官明忠慨非明者而於茲湖利弊  
頃嘗究心頗得其悉昌謀輩弗能欺也嗣來者相與守之弗憚於  
猾議弗移於請託弗喘沮於強梁之家則此堰與湖並存此湖與  
天同久四里萬戶受澤永永矣彼蘇堤芍渠奚讓哉初忠之建白  
於院道也有樹碑之請既得允忠遠逸不交乃四里人羣來再  
拜謂匪忠言弗悉弗悉斯弗永夫令守土談土之事信莫如令忠  
乃弗克辭為記其顛末如此是役也黃丞文弼程河泊世璉俱先  
後效有勞績而倡民赴工者後又被佔為田崇禎八年知縣鄭尚  
里人太學生李紹芳其最云

友復清之 國初近湖黃李等姓各佔為田計三百餘畝康熙三

長樂縣志

卷之六

水利

六

湖

十一年清丈黃李等姓援墾荒自首之例陞科輸糧歷控不結乾  
隆十一年知縣戴永樸將湖邊高地不礙水利者留為民田上湖  
北界得田九十一畝零另編號冊此外詳請題豁奉 旨悉刻還

湖二湖統計周圍三千三百餘丈沿邊開溝築堤立界永杜侵佔

碑立長者廟前

知縣戴永樸詳文為奸民之欺佔畢露全湖之水  
利宜清亟請剔釐以正國賦以救民生事竊照長

邑濱澗二湖原係唐進士林鷗捨已糧田四千餘畝開鑿成湖延  
袤二十餘里周圍八千餘丈塘高一丈五尺建礮八座斗門九所  
開一十三處蓄洩湖水以溉四里民田七萬餘畝原額田糧悉係  
四里民田勾攤完納不特志乘確鑿且流傳湖規一書歷載宋元  
明以來屢為奸民侵佔致四里民田旱澇無備控官定斷刻平歸  
湖其碑禁碣文奏劄案讞班班可考乃自 本朝定鼎之初兵燹  
未靖奸民黃李各姓乘閒將湖地佔築成田約三百餘畝至康熙  
三十年通省清丈伊等懼水落石出於是援墾荒自首之例將以  
前侵佔之湖地呈報陞科內除原徵湖糧下則銀七兩七錢七分  
零米一石一斗四合零外實增銀一十七兩三錢四分零米二石



四斗七升零於康熙三十一年起科聲明報部在案夫湖糧既已均攤四里民田之內則全湖之尺土寸壤俱屬有糧之地奸民欲借為影佔張本是以重報陞科前官不察墮其奸計不特淆國滋甚嗣後李黃各姓等恃有護符公然於三百畝之外蔓延蠶食壞福毀開故洩湖水俟有淺洲淤地即堆土築埂藉端影佔是以四里之民不甘自康熙五十四年里民程道周等歷控疊疊乃李承健等藉詞報陞末經墾足為由捏以違旨欺君等詞赴投道府批查經卑職查議通詳蒙憲批飭檄委候補通判高玉棟會同刻出還湖茲卑職等於本月十六日同詣湖邊會勘諭於熊令勘詳立便之外刻掘而李承健尚敢曉曉不服堅稱祖手官買陞科辦糧之業不肯一旦刻去竟爾多人持梃與四里刻湖之民相抗打傷周有滋頭顱卑職等恐四里民眾一時雜踏抗衡互毆滋事隨嚴諭彈壓不許爭執且暫停刻掘諭令各呈憑據繳驗嗣據李承健等繳出官賣執照八紙係順治九年三四月奉督撫憲牌飭將東西二湖田畝召買等語每畝官價約銀四兩卑職細查此等執照大都昔年奸民勾通奸胥偽造必非實有其事蓋所謂時事艱難賣荒措餉等詞在明末時容或有之我國家廓清海宇萬象維新焉有此等不經之語況查其字號只編天

長樂縣志

卷之六

水利

七

湖

地黃而無元字號我

聖祖御諱自康熙年間始行避諱豈有順治初年未曾誕降之前而已不編元字號之理且三月間已編地字號而五月間反編天字號顛倒錯亂其為捏飾詭造倒填年月以為混估之計已屬彰明較著再查所鈔康熙三十一年牌稟內載為遵例自首等事奉准部咨查得福撫卞疏稱長樂唐進士林鷗捨田四千畝開掘為湖蓄水灌潤四都田地照湖糧下則徵輸銀米今年代已久湖邊漸有壅出荒地其何年壅出之處無從稽查迨康熙三十年清丈之時此湖邊所壅之地尚未壅續於丈量之後始經開墾成田不便仍照湖糧下則徵科請照折差田之則例在於湖田除去原徵下則銀七兩七錢七分零米一石一斗八合零外計實增銀一十七兩三錢四分零本色米二石四斗七升零照例於三十一年自首之年起科等因尚順治九年官賣屬實何以歷來不將執照呈明管業越四十餘年之久奉官清丈始以墾荒為詞而牌稟內亦並不及官賣一字則此所繳執照是偽非真毫無疑義是不獨三百畝以外之蔓延斷當剷除即此報墾陞科之三百畝尤為弊藪先當急為清查者也卑職思欲治其流必清其源前賢將以已田開闢成湖為四里之水利誠屬千古不朽之盛舉石碣所刊有沿湖山下並無民田字樣是湖邊本無尺寸民田何有荒坂焉用陞科自有官賣之說又借陞科之由以致八九十年以來父



以傳子子以傳孫忘其為湖併忘其為估矣今若不徹底清釐仍聽其借報墾之名留此三百畝名目即使其餘歸湖而病根未去隨退隨佔勢必仍為湖害是借此三百畝之墾地棄捐七萬畝之民田增此二十餘兩之陞科致貽四里七百頃之貽累所得者少所失者大我

皇上念切民瘼痼疾在抱數千萬帑金亦所不惜而何惜此些微陞科以貽四里窮民之害也況湖糧既以攤入四里民田則前此報陞之糧原屬重複急宜釐正合併仰請憲臺垂鑒將湖內原徵下則銀七兩七錢七分零續增銀一十七兩三錢四分零原徵米一石一斗八合零續增米二石四斗七升零特賜題請豁免將沿湖估築田土一併剷除歸還原湖庶奸民無可藉詞而此湖得以永免侵佔四里民生感沐憲恩當與湖流並垂奕禩矣至李承健等侵佔捏報雖咎在前人然既已經官清釐伊等仍敢恃強抗違應得之罪亦難寬縱巡撫部院周批奸民侵佔湖基皆藉報墾未足為由影射佔築據議原報陞科三百畝一併題請誠屬屬本塞源之道仰布政司會同糧驛道立速確查妥議通詳察奪不本轉發稽延仍嚴飭該府縣務拿為首阻撓之李承健等解省嚴行究處詳報毋仍玩縱干咎仍候督部堂批示繳總督部堂馬批仰布政司確查妥議通詳巡撫周學健奏摺福州府屬長樂縣十六都十七都二十三都二十四都四里民田七百餘頃瀕海環山

長樂縣志

卷之六

水利

八

湖

水至則宣洩無餘旱乾則灌溉無術唐天寶年開邑人林鷗為倉曹參軍有田四千餘畝據四里上游林鷗盡捨已田瀾而為湖上名濱湖下名澗湖總名東湖沿築堤埂以蓄水開溝道建礮洞以資灌溉四里民田澇不受淹旱有所藉遂成膏腴原稅四千餘畝按下列湖糧每畝科銀二分五釐零科米三合六勺零盡攤入承蔭四里民田均輸至今四里民田每畝糧額外帶納虛受湖稅三分是東湖受水之所皆屬有糧之地不特並無荒地可以墾陞即湖內並無半畝之田仍為民業也自唐以後近湖奸民佔為田者屢矣隨佔隨剷至明代嘉靖萬曆年間奸民李昌謀等先後佔墾湖田數百畝四里之民羣起控訴後率剷除佔墾之田至今傳有縣令所刊湖規一書具載捨田為湖始末併歷代奸民佔墾剷除斷案與先後碑記石刻歷歷不爽迨至本朝康熙初年近湖居民黃李二姓忽執有承買湖田開荒印照其照內開載順治九年巡撫張聖檄行為時事艱難多方措餉事將縣屬東西二湖荒坂計畝定價四兩令民承買開墾為業等字樣於是近湖民人執此為據日逐壅築湖面開墾成田至康熙三十一年巡撫卞任內將湖民黃修等墾成田三百畝照該縣折差田科則征銀二十五兩一錢零本色米三石五斗八升零內除去原湖田下則銀七兩七錢七分零本色米一石一斗八合零實止增科銀一十七兩三錢四分零本色米二石四斗七升零即於康熙三十一年題報入



額陞科在案自此近湖居民凡執有順治九年承買湖田印照者  
日逐覲視淤湖成田而四里承蔭里民因湖面日窄日淺水不能  
蓄無所資藉無任不控無年不訟難遽斷劃田歸湖終以陞科有  
案藉口墾荒未足難絕奸民覬覦之端本年六月內四里民人復  
與黃李二姓互控經該縣戴永樸詳請勘明刻除估業臣因此案  
事關水利且歷久未結之案飭委候補通判高玉棟會同知縣戴  
永樸詳加勘定刻除去後會勘之際近湖居民李承健黃孝積等  
仍執墾荒印照陞科案據抗不刻除茲據布政使高糧驛道明轉  
據該縣府查明湖基原係有糧之田陞科實由奸民弊混請將康  
熙三十一年陞科湖田三百畝加增糧額概予豁免湖內凡有墾  
淤田地盡劃歸湖以絕奸民藉口等因臣查長樂縣東湖既係唐  
倉曹林鷗捨田為湖之基額糧四千餘畝業已派歸四里承蔭民  
田按畝均輸是湖皆有糧之地何容再墾報陞況前因因灌溉四  
里民田捨田為湖豈容後日奸民估湖為田致令四里民田旱澇  
無備無論近湖居民所執順治九年價買湖基之照事屬誕妄不  
經且弔驗執照雖有縣印紙色新舊錯雜字號前後顛倒歷年久  
遠真贗莫辨豈庸執以為據藉口墾荒唯是康熙三十一年題  
報陞科湖田三百畝彼時因奸民黃修等以湖邊壅出荒地朦混  
報陞遂致凡有執照者日事壅築現在丈量湖內墾成熟田已有  
千餘畝估去原湖四分之一總因此三百畝已經陞科效尤影射  
水利

長樂縣志 卷之六

水利

九

湖

若不急請豁除終難永絕奸民覬覦所有康熙三十一年陞科湖  
田三百畝增銀一十七兩三錢四分零本色米二石四斗七升零

仰懇

皇上敕下該部查明豁除其湖面凡堤埂以內原屬林鷗所捨之田

並無尺寸官荒可以墾陞容臣查照原湖面丈尺盡行刻除廣資  
蓄洩並於上下兩湖四址豎立石碑永禁近湖奸民藉端壅築侵  
佔湖面如有犯者按律嚴加治罪如此則四里民田均得長資灌

溉一方水利可澤及萬世矣

硃批該部議奏戶部奏查閩省長樂縣湖田陞科一案各年奏銷地

丁冊開康熙三十一年里民黃修等自首開墾湖田三百畝原載

田圖池地湖山頂下每畝徵銀二分五釐九毫零徵米三合八勺

零今湖邊壅地開墾成田應照料折差田徵項下則例每畝徵銀

八分三釐七毫零徵米一升一合九勺零共計徵銀二十五兩一

錢一分五釐五毫零米三石五斗八升二合五勺零內除原徵銀

七兩七錢七分零米一石一斗八合九勺零外增徵銀一十七兩

三錢四分九毫零米二石四斗七升三合五勺零并於賦役全書

內開載在案今該撫周學健奏稱長樂縣東湖等語查水利為農

政之要務凡屬江河湖渠等處有關民業者皆宜清理以資蓄洩  
灌溉始無旱澇之虞今應如該撫所奏將黃修等開墾湖田三百  
畝并近湖居民所墾田共一千餘畝內有礙於蓄洩者盡行刻除



并於湖兩四址丈明豎立石碑永禁近湖居民藉端壅築侵佔湖而如有犯者按律治罪其康熙三十一年報陞銀一十七兩三錢四分零米二石四斗七升零准其豁除銀米於地丁糧冊內分晰造報可也乾隆十一年正月二十四日奉

硃批依議周學健碑記長邑濱澗二湖唐天寶開邑進士倉曹參軍林鷗捨田四千餘畝開濬成湖築堤澗水以資灌溉四里居民食其德者蓋千百年於茲矣茲後瀕湖豪猾利厥膏沃佔復不常往牒具載其事 國初政尚寬大有黃李二姓假開荒各壅湖成田康熙開邑民黃修等復報陞科自此日侵月削嚮之湖界不可復問坐是旱澇無備四里病之湖長生員劉則躍李參元等控於官乾隆十年邑令戴永樸以興復舊制請于思王政首在重農書曰濬畝澮距川而疆理溝洫載在周官者至詳且悉茲湖興廢所係亦匪細也用是疏豁田額以還於湖既報可因檄福州丞鄒承垣率戴令勘丈劃除立石定界並濬溝培堤期垂永久乃復有覬覦者詭詞撓亂屬新合侯海訊擬浮議始息而湖之利於民者始克以全夫昔賢施惠於前今人攘利於後是何風之利於民者始子又有慮焉使繼此不事禁防或存姑息則旋復旋壞往事俱存斯役其何可恃所賴守此土者時其稽察嚴其告誡毋滋事亦無怠事湖長等各矢公慎罔有倦勤俾服疇力穡輩永沐聖朝德澤而不泯前人之功是予之所厚望也長民固請一言勒石

長樂縣志

卷之六

水利

十

湖

湖上以昭勸戒因援筆記之如此知縣戴永樸紀事吳航海濱多斥鹵田疇瘠薄無腴土鹹潮浸入鮮嘉禾山泉少出奚潑浦天教海岸聚飛沙岐山之外連山遮高並層巒廣更倍居然門戶屏藩誇李唐天寶維五載南郊大散沙合在爰有長者林參軍伉儷同心施惠愷願蠲己田畝四千疏濬作埝成巨川厥配奩田三百畝源頭活水流涓涓湖中建堤分上下澇則高礪旱則瀉下湖週環八小閘支河曲折通無壩湖成命名曰濱澗規制井井巖泉書澤被民田七萬畝可禦旱暵兩月餘時移歲往紛變置忽有貪夫思自利乍闢汙萊漸墾畝儼然遺穗有餘穰歷宋元明幾百年旋復旋復鑄成編滿濱之民日繁盛湖中之地日駢填國初奸宄更狡猶詭作開荒願輸稅藉名蔓衍爭效尤利擅數家害亦大水漲橫陂閘盡開下流萬頃洪濤推秋陽酷烈待膏澤水源壅塞成枯茲四里萬家徒蒿日坐使秋禾歲不熟天遠何能叩九閘芟除蕭艾河還復渺余甲子拜命來循行阡陌悲蒿萊停驂道左審形勢殘碑斷碣猶雀窺探之輿論合志乘利則小兮害則巨一家何如一路哭為民請命敢不罄純誠體國西昌公敷陳愷奏明光宮盡除湖稅渙天澤勿使狐鼠憑其中五雲下賁傳 丹詔兩湖洞徹邀 宸照萬井歡聲動若雷荷鋤雲集無庸調一畚一鋪集成山廿里湖身竟日還齊唱萬年 天子德歌聲迴繞遍灣環從茲善後圖良策築堰培隄功倍昔一勞永逸澤長流千年再



觀清泉碧織鱗潑刺波面浮鷗鳥翩躚淺瀕游月明釣罷收魚艇  
日午兒乘泗水牛湖堤但得金湯固七萬民田勤播穫屢豐常慶  
迓天庥帝力何有歌含哺我亦樂此觀厥成風塵飄泊等蓬萍轉  
眼無怨亦無德惟願我民毋再爭候補知縣劉壽朋紀略倚嗟濱  
澗湖溉田七萬廣湖源有活泉林婆澤其上林婆施篋田匯流成  
沆澆引泉入濱澗參軍棄膏壤倡隨借義舉墮業億千丈上下通  
其流支河樂澗澆建閘啓閉司沃禾蓄瀉掌湖身岐高低湖水別  
消長奸民廬岸旁窺伺蒙技痒近堤逼當門培基恣偷攘始猶壘  
邊隅繼漸擴中厥儼開千百閘繡錯娛豐穰早營曲防謀潦矢鄰  
壑想因茲四里田曠浸失依仗粵藉估踞由有唐中利助蜂貪賜  
蠶頻蠶食貽禍厲屈指到前明更番復仍往或藉勢要侵或倚奸  
眾罔隆慶際庚辛賴有賢侯蔣痛切上陳詞萬姓資俯仰城狐與  
社鼠竄伏弁傾盪以此樹甘棠遺愛碑崇獎嗣雖小駁削竊發殊  
鈞槍彭侯踵前美郁侯振元響節次遞清釐千秋應無爽其如變  
故乘兵燹蓮蒼莽弱肉逞強食力競德鮮尚茲湖復連遭割據羣  
雄嚮始借壘荒名陰圖影射敞陞科報些須何會規尺倣遂合腹  
膏腴強奸飢魍魎湖糧四里輸湖利數家高誰爲戎首者李黃尸  
其殃荏苒百年餘流毒徧村莽遶湖千萬頃依舊墮其坎幸值良  
宰泄矢志籌愛養政美安衛優上與公琰仿檢案臚列徵繪事悉  
圖像直達中丞聽入告

長樂縣志

卷之六

水利

十一

湖

綸扉讜 恩沛本天來鋤奸日同朗割彼影佔糧寶此金湖帑承  
命飭剗除湖壅立洗蕩乾譬阻飢時食漿獲引吭溢疑屬屢後精  
鑿儲甕盎資深用靡竭源裕澤何枉我來借貳尹奉文策鞭杖驅  
掃未淨氛增加已更壞勸贊竣全功美舉良欣賞齟悲竊踞氓失  
業還罹網爭似徙善地安分謀耕紡首鼠兩湖邊伏穴猶疇曩徽  
幸縱莫知此日窮扼類猶顧四里民觀成母惚恍林谷易改遷山  
川倏迷茫前車鑿匪遙踵轍捷嗣李姓又佔上旁乾隆二十一年  
影響何者善後宜有識勤諮訪

知縣賀世駿親勘押還仍飭水利戶增高湖岸以垂永久

林婆湖在十七都唐天寶五年南郊沙合遂成小湖泉脈不涸周圍

三百五十丈其水流洩於濱澗上湖明隆慶閒知縣蔣以忠據湖

長蔡宏立等呈請立田以永祀典批准祭田四十畝東至赤丹山

下福舡石西至山邊路下南至石及陳厝前北至沙邊林婆湖

旁每年按畝納銀三錢預備春秋祭儀看守廟碑等費今田與湖



俱被豪民劉則威劉其秀等侵佔成園年種麥薯利倍於田乾隆二十一年知縣賀世駿履勘文明劉良侯等園一十八畝歲納租銀以充祭典勒令剗平而劉則威等胆敢上控二十六年詳奉批准清出四十畝祭田召佃管耕毋許劉姓承種永杜爭佔端倪餘俱勒令盡剗還湖並立石定界

小東湖在十七都厦鄭有三處一名三角塘一名諸才一名牛路三

角塘被沙壓經墾成田諸才牛路之水與東卓湖通自元祐港流

### 入大東湖

長林湖在十九都長三里濶五十餘丈湖口有斗門西流經陳合津

### 湖達於海

明邑人陳省詩麋鹿思長林湖名豈有以威夷更紆長勢與山相倚湖水黑且濁色將潢潦比中有葭草浮巨

## 長樂縣志

### 卷之六

水利

七

湖

魚潛其裏壤根半疇畦禾蔬漫湖止伊余命舟遊指點魚羣起鼓吹振中流傳杯歌樂只賓主俱吾宗語笑在故里濠梁何必佳吾將老於此後漸淤塞被豪民就湖旁佔墾成田乾隆二十五年知縣賀

世駿親加履勘諭令通鄉士民開濬並修葺斗門其佔墾成田者

### 悉勒令剗平還湖

記載藝文

金漆湖在十九都周圍二百五十餘畝潞水溉田有溝環遶民居東

折以達於陳合津歲久溝湖湮塞過半

陳省詩西北有平湖廣輪四十里今已湮為田所存

者無幾朱明生芰荷芳姿湛綠水餘波及田疇禾黍藉之美吾姪愛有鍾築室遠臨此欲以蓮花清礪操期不滓欲以湖水潤作澤

區寰裏

陳合津湖在十九都舊為飛沙所壓唐縣令陳齊賢捐俸買田開溝

泄水八德之遂名陳合津湖嗣後湖畔砌造石陂以障狂雨流沙



陂上一派沙蕪 國朝乾隆二年奉憲立碑永禁鋤毀毋致塞湖  
龜湖在二十都小社上接筆架山水通流入於海漑田一頃方圍丈  
計二百二十弓深有一丈

嚴湖即西湖在縣治東北陳大建中十三都人嚴光捨田為之周三  
千二百八十丈堤高七尺濶一丈濬二劉大畚諸溪水四竇漑田

四百五十頃跨方安大宏里二十一都二十三都界  
西岑楓林杳何許暝色入高樓湖山正煙雨遙憐  
春水至鳥雁滿芳渚少待風日佳扁舟共容與  
國朝順治九

年官賣湖旁地一百二十畝十六年清丈溢至一百九十餘畝嗣  
後互相私買康熙五十五年溢至三百六十五畝零四里水利戶  
僉控知縣衛良佐通詳奉督部院覺羅滿保批飭凡官買有單者

長樂縣志

卷之六

水利

三

湖

每畝官給銀三兩贖回並私賣之田一概還湖嗣被附近居民蔡  
厚準等復行侵佔成田乾隆二十五年知縣賀世駿親加查勘見  
所佔之田蔓延湖中明係從前已經退還故址隨即勒令剗平取  
具蔡世灝等永不敢侵佔遵依在案而蔡厚準胆敢串通越控二  
十七年詳奉批發飭令盡剗還湖仍令四里水利戶輪流看守確  
開以司啓閉永為定規

填沙湖在二十四都其湖有二大旱不涸周圍三百四十丈其水洩  
於濱瀾一湖後因風沙填壓明永樂間前後董里民董萬頃等捐  
貲鑿黃坑山港道通流濶田數千餘畝至今永享其利



塘

大塘 在七都跨昆絲敦素崇賢同榮四里長三千七百丈濶一丈

二尺深八尺漑田千石從二斗門一名大塘斗門 一名古漑斗門達于海旱則潑

潦則洩宋知縣徐暮築造古漑斗門元延祐甲寅開築疏鑿承福

清界及五都八都各陂水明崇禎十一年圯知縣夏允彝委巡簡

楊允升重建

前曾塘 在八都注龍潭水長二百丈口濶二丈深四尺腹濶五尺

深三丈尾濶深皆一丈五尺口為石閘禦溪洪水尾為石碣埠長

一丈五尺高如之濶五尺漑田種七十石

丁塘 在八都注龍潭水石瀨陂長七百丈溪口濶一丈七尺橋下

長樂縣志

卷之六

水利

古

塘

濶六丈漑田種三百石

凌古塘 在九都其塘周一百二十丈高一丈五尺濶一丈竇二圳

五長一百五十丈漑田種六十石

普塘 在十都長一千五百丈隄三萬餘步歲久為海潮衝嚙宏治

十二年知縣王渙重修高濶增倍 國朝康熙十二年重修

南塘 在十都斗門南

北塘 在十都斗門北

古縣塘 在十二都久湮於海潮潮漲入田十歲九損同治壬戌癸

亥閒例貢石其良倡議築塘率里人計畝勾工北至與頭塘南至

洋下塘長八十丈濶二丈高五丈以大石為基覆以三合土塘成



潮不入障里人賴之

東洋塘 在十四都長一千二百丈高一丈二尺濶八尺禦鹹潮潴雨水於塘三道共長一千五百丈高九尺濶五尺溝一長三百四十四丈濶八尺深五尺橫塘二啓閉以竇溉田種三百石

西洋塘 在十四都長九百五十丈高一丈一尺濶八尺深五丈斗門一座溉田種九十六石此東西二塘卽所謂白芒坑也

鄭湖塘 在十四都其塘洩水港抵海長二百丈濶一丈深三尺竇三溉田種四百石久廢

崔塘 在十四都有斗門西抵海埠長一千一百二十丈濶七尺高一丈深八尺

長樂縣志

卷之六

水利

三

塘

後崎塘 在十四都長千餘步

閩山塘卽旒山塘 在十四都濶八尺計三十餘步明洪武間本縣典史黃本修築北潴二十三都陳塘港水以溉民田南障海潮

海路塘 在十四都長一千五百餘丈東至小嶼山南至十都沙京斗門自宋時築海爲田以障海潮不時崩陷明洪武二十七年本縣主簿汪漾修築永樂二年典史黃本重修增置斗門一座隄約一千六百餘丈

宗靈內塘 在十四都長一百餘丈深三丈濶三丈餘西至企石胶東至壺井北塘

宗靈外塘 在十四都長四百餘丈深三丈濶四丈



漳港塘 在十五都長四百二十丈高一丈二尺橫濶一十二丈兩旁有隄各二丈四尺上接錦橋下通元祐溝水達於海三百餘步外斗門一座以時蓄洩前已崩陷明宏治庚戌里人鄭伯容修築旁有塘幹田二坵土名九斗用酬看管塘埭斗門之勞

漳港外大塘 在十五都濶二丈六尺長五里餘東至仙岐江西至柯百戶塘道光十二年潮漲基壞氾濫無涯合都計畝派錢修築遞年鳩工培補以障潮患

董塘 在十六都長二十六丈一尺濶五十丈注山泉溉田五頃餘北塘 在十八都長二百五十丈濶三丈

山邊塘 在十八都長五十丈濶三丈

長樂縣志

卷之六

水利

六

塘

山兜塘 在十八都康熙壬午年砌長二百八十丈濶三丈五尺里

林瓊裝有記遠而環壺者山也近而環壺者田也田廢為海淺深而環壺者水也自國初調遷以八若立界壺島劃於界外棄膏腴為斥鹵而田廢矣田廢則無隄而無路展復後新鳩殘喘漸歸故鄉見頽垣蕪址滿目淒然先疇舊宇無一存者乃披草萊蓋茅屋迴憶昔時不勝風景河山之感夫傷弓之鳥即養翻猶覺驚心再植之樹稍闕培斯成槁梗情即亦勢耳壺島昔日海物滋豐值歲稔人稀故雖鴻雁嗷嗷猶無星留之嘆康熙丙子後歲歉穀昂人不勝其病始知以海為田之非本務也辛巳年爰集眾鳩工議砌山兜塘一則近山西際易築而成田一則往來要道急塞而成路故以此為經始也其時父與叔斯海姪申甫共勸其事至八月告成蓋塘鄉之命脈也有塘則有田有田則有路障內并外可耕者千餘畝雖有水旱亦鮮外糴水物錯而平畦蕃近蔚野綠遠延村翠高映於環壺之山川斯固海變為田之一大快也是為記

南網塘 在十八都一千二百丈今崩壞

壺洽塘 在十八都十一都交界舊隔一大港雍正十三年府縣詳



請撥帑修砌上至沙京嶼南斗門計長二百三十丈濶五丈塘岸斗門壺井治與各應半修理

汶上土塘 在大宏里計長三里餘高一丈二尺濶一丈五尺道光十四年里人鄭明如募眾砌造

嶺口三塘 在方安里長十丈橫濶十二丈埤長八尺高一丈三尺濶六尺下塘長三十丈橫濶十六丈埤長十丈高一丈二尺濶五尺溪尾塘長二十丈濶十丈埤長十丈高五尺濶五尺注大畚太常二山水溉田種一百四十石

倪塘 在方安里長四十丈高六尺濶四尺通嚴湖水尾溉田種三十六石

長樂縣志

卷之六

水利

七

塘

林簡塘 在方安里注龍潭水長六百五十丈高一丈五尺橫濶三丈二尺圳長二百五十丈深濶皆一丈溉田種三百石

籌港塘 在方安里斗門閘長一里有奇濶三丈高二丈外禦鹹潮內積淡水溉內洋田五千餘畝

上湖石塘 在二十三都長一百二十丈斗門一溉田種七十餘石後山內塘 在二十三都乾隆十九年新開透外塘積水濶田立有石碑

屈尺塘 在二十四都長一百五十丈高七尺濶五尺有竇溉田種三十石



斗門閘

延祥斗門 在二都興濟堂前瀕坂頭山水以溉民田外潮水入閘

防旱

古澹斗門 在七都元延祐甲寅年里人王克剛等造上承福清界

及五都八都各陂水基廣十丈長二十丈高九尺口濶一丈溉田

種三千石明洪武十五年崩陷里人李伯禮等重修屢遭衝壞

國朝乾隆二十二年知縣賀世駿飭造石壩以垂永久

璞石斗門二座 在七都大塘隄瀦水溉七都十二都二里田明宏

治十六年秋暴潮漲其一知縣王渙重造邑人劉則和為記別見嘉靖甲午

舊斗門仍陷事聞御史李元陽發公帑檄本府推官桂榮督修詳

長樂縣志

卷之六

水利

六

斗門閘

南陂

潘定斗門 在七都元達魯花赤及高元所造瀦八都十九都諸水

以溉民田明宣德三年裔孫高耿重修並撰記曰嘗謂天生人穀焉而足之食山

澤定位田疇以厚其生然地無夷壤瀼瀼必資乎水泉水性奔流瀦蓄尤關於禦備故先王之體國經野也有原隰畝畝之別遂有川澮溝遂之分蓋雨暘之不皆時若者天也而旱潦之皆有所備者人也以成物之數雖存乎天而有相之道則存乎我耳是故白公之渠起於漢芍隄之堰作於唐他如築堤開湖之類載籍所紀班班可攷近取其功之著者平當賈讓郭昌之輩能鑿陂以濟而劉彝治水又為湖門之首稱者吾鄉裔出衣冠業農者半東港之田利於港水若不瀦蓄田則何資粵自上古吾祖創斗門一座以備關洩今其碑迹荒蕪然猶存都課達魯花赤與吾祖高公元之名雖日年代久遠不可詳知然揆厥意緒其所以貽利以厚吾子孫黎民者不既多乎吾後人嗣其業而不力繼其成非惟失美利之資抑且傷前人之賜潤澤之利何所取足八口之家何所待哺耶且其下誠潮若肆盪蕩之威則凡上足水之地亦將轉為斥鹵之區矣安得莫之省憂哉今當重造之後照憑祖規設閘板兩行



共二十餘片遞年着邑頭潘定佃人看管恐久廢弛遂立閘簿二本流遺永久

蓮塘斗門 在七八兩都甲裡洋深一丈五尺濶四尺餘灌田四百餘畝同治二年里人潘貞迴吳興光等募造

湖圳斗門 在依福里注周陂水順治戊子年造濶五丈五尺深一丈一尺

大塘斗門二座宋縣令徐暮築基方廣二十餘丈兩邊洩水抵海高一丈八尺濶一丈明正德丙寅洪水衝壞其一鎮守鄧太監捐銀

五百兩修築 國朝順治年間因調遷圯及復回移造一座在洋下龍興寺邊高一丈四尺濶九尺六寸以洩洪流

沙京斗門 在十都地生三石狀類隕星因鑿為斗門二座上承桃

長樂縣志

卷之六

水利

五

斗門閘

枝湖白龍潭水溉七里民田下障禦海潮旁有大石勒水則二字與頭斗門 在十一都舊有石斗門二座勢高不能洩水明萬曆二十八年工部蔣行義率里人改造直埝溝口又有雙筋塘以洩洪流遇內田受浸卽行開掘以保萬畝稅田堰戶不得阻撓南北海塘自陳沙圳至石馬溪一帶千餘丈名曰虹堤里人陳拱卿培插樹木數萬餘根鞏固隄土以禦鹹潮世永賴之盜斫樹木者有禁塘之內有官溝南通陂水北乃奉旨欽立壩限為六鄉水利之界塘之外有三堰蓮花和魁報恩元朝俱廢明萬曆十八年復圍崇禎十二年堰戶叛規洩水大妨內田訟諸院道知縣夏允彝親勘照堰前民田相平設木柵為水限勒碑在十一都



十八灣斗門二座 在十四都乾隆二十年題請給帑銀八百一十八兩重造上通北水下禦南潮溉萬畝田疇六鄉利賴知縣賀世駿記見藝文

內塘斗門 在十四都

外塘斗門 在十四都現閘廢橋梁猶存

白石頭斗門 在十四都上接大塘橋下達壺井塘

白石頭廟北小閘里人陳師倡造碑豎縣儀門旁

馬路閘 在大塘橋北溝東陳姓造

橫埭閘上接馬路閘山邊李姓造

東港斗門 在十八都溉本都與七都潘定田南接渡橋水北通陳

長樂縣志

卷之六

水利

三

斗門閘

溪橋水并入港十九都士民造

山兜塘斗門 在十八都

北塘斗門 在十八都濶一丈深一丈一尺上通陳塘港凡渡橋旒

峯溝東白眉村之水皆由此洩因止一座不足洩水續奉憲撥帑

設二座

壺洽塘斗門 在十八都乾隆元年奉憲撥帑建造壺井造於獅子

巖下洽與造於砥柱石旁因年久滲漏海潮衝陷乾隆十九年知

縣黃瑞鶴通詳重修壺井改造於鼎山寺邊洽與改造於山後外

抵海潮內浪雨漲為諸鄉保障

大潭閘 在二十一都上蓄溪水下禦海潮灌溉二千二百畝鄉民



永賴

潭頭斗門 在方安里通籌港洩二劉雲龍橋之水入海

陳塘斗門一名王鋪閘 在二十三都洩濱澗上下湖及嚴湖宏源諸溪水入於海崇禎十二年斗門圯知縣夏允彝捐俸鳩眾修國朝雍正八年知縣姚孔鍼重修

塘下閘 在二十三都上通集仙橋下通王鋪閘旁有李密閘

長樂縣志

卷之六

水利

三

斗門閘



海隄

大塘隄 在七都宋太平興國中縣令李葺倡民築隄沿海三萬六千餘步以禦鹹潮皇祐中邑令吳仲舉及尉曹元振增其址高大之引八都六都諸溪水溉七都十二都十餘里民田

海塘隄 在十四都約二千六百餘步以障海潮元季崩陷明洪武間本縣主簿汪漾修築永樂二年典史黃本重修增置斗門一座後崎塘隄 在十四都計一千餘步

白芒二塘隄 在十四都計一萬五十餘步  
前塘隄 在十四都計二千餘步



港

太平港 在縣西半里許舊名馬江明永樂七年內寺鄭和使西洋海舟皆泊於此因改今名

嶺柄港 在石畧嶺九都南通二都延祥湖宋林安上建議鑿山開港引馬江水以灌田利舟楫石堅不可鑿明正德丁丑鄉民呈繼前功後竟罷役或曰山脈係全邑來龍鑿之為害甚巨所當永禁也

沙京港一名普塘港 在十都長二千六百四十丈深且廣溉田三十六頃西有三圳接桃枝湖水北佛厝溝接鶴溪白龍潭水通十四都南溝接南鄉水中有石限東南各通斗門入於海

長樂縣志

卷之六

水利

三

港

卓嶺港 在十七都舊有港從黃崎東入於海為沙所壅滄田數十頃宋元祐閒開港築隄水南從黃埕牛山下小溝入於漳港後自廢元大德元年達魯花赤濬卓嶺港經後屯墩入陳塘然地勢稍高僅三之一

元祐港 在十七都宋元祐縣令袁正規以其田窪下歲被滄沒遂開卓縣尉後山為港以洩水抵陳塘港西注之海又鑿寺簿林畧庄前之山為渠直出漳港石梁南注之江

宋狀元黃裳記縣之東南走三十里地日湖東

埠海為塘畫塘為田凡十八所熙甯中飛沙淤港積而成山溢水蓋田俄然成湖民率力導之而弗就三年又開白石湖有三沙合如故元豐四年周及等又開舊港終成復合元豐五年有林迪等遂乞易田為港意雖大而力不至八年節度使判官陳公毅貸官錢百萬鑿卓嶺借道陳塘由斗門而注於海方農事就功苗且秀矣利陳港者思之固鑰斗門水不得泄陳公又乞因山為埠增水



爲湖易濱潤湖而作田以償被患之民故所忌者益厭紆迴沮難  
務息誼訟自是耕者失業散之四方所存無幾合尹袁公下車詢  
問其故亟請暫免二稅民畢受賜矣一日往視相地之勢以東南  
爲下西北爲高宜若可圖遂語民曰彼雖民曰可倍價易以爲港  
或謂沙田多潰泉難施畚鍤請穿井試之公曰不然先導下流泉  
自襲去豈若井之積也乎繼有周家建議鑿玉埕出妙峯塘又易  
謝欽等田募鄭仕衡等合力以治不淹旬而港道成民且謬曰果  
如令尹之言非鑿井比也延袤三百四十五丈深二丈廣四丈伐  
石因岸爲橋肆鑿石輒陷議者殫計莫知所出將廢公復往視易  
以八竇親督其役不數日就緒又於牛山下浚小港減殺高水以  
助之若夫時雨暴注川流蕩潏行者相呼耕者失色曰吾之田且  
無漲溢患者有竇以疏之有溝以殺之至若海風蕩薄怒濤奔湍  
若不可禦曰吾之田且無潰決之患者有竇足以拒之也港成耕  
者雲集易種而有唯恐後時是歲乃復有秋困者乃甦亡者乃復  
且相語曰非令尹之力吾將操瓢囊爲溝壑中瘠矣尚何至是耶  
於港外之地邊於海瀉瀦不毛因湖水之浸滌悉爲膏腴論民隄  
防而就爲此又因其利而利之者也嘗謂萬物之理順之斯易  
逆之斯難求之易而不求之難事有不獲者與古人之所能行行  
其所無事者也夫知物而創之者智也知而不行未足爲果決物  
而斷之者果也決而不行未足爲勇惟智果勇公能具之故於作

### 長樂縣志

### 卷之六

水利

五

港

克濟蓋攷其意謂書之八政以食爲首周官九職以農爲先農而  
後穀理而後止此爲政之急務也故嘗夙夜憂勤以共其事今有  
人於此享旦暮毫髮之利猶將嘆祝不已況乎收有餘積饒有餘  
給仰事俯育既賴且久宜乎一方之人熙然相與立生祠於寺公  
雖去而民見之聊慰乃思公適止之眾皆撫然復欲以公姓  
名港曰袁公港公曰不可此天子之功也宜以元祐名之

東港 在十九都其港四十里注新塘水長一千五百丈濶三丈深

八尺圳八長八百丈濶田十頃

籌港 在方安里其港長一千一百丈濶一丈三尺深八尺斗門一

座上接籌巖黑龍潭諸水下溉田千有餘石水溢則洩於海

龍灣港 在大宏里龍山寺下乾隆己未年知縣廖興鎮請項捐造

橋閘於豹山之畔

汶上水港 在大宏里計長三里餘深一丈五尺濶一丈二尺道光



十五年里人鄭明如募眾開濬

陳塘港 在二十三都原係海地宋里人狀元陳文龍築田砌塘故

港名陳塘其流會東西二湖並七十二洋之水至此深數丈長十

餘里南由杜橋通壺井江北由王鋪開入於海

明萬曆十三年侍郎陳省有記碑在

二十三都塘下

國朝順治六年知縣呂鳴純詳請開濬康熙三十七年

知縣姚之牧鳩濬

邑人江雯有序別見

雍正七年知縣姚循義鳩濬乾隆二

十四年知縣賀世駿重鳩濬嚴禁港旁砌築土堆以設罾捕魚致

塞水道及開戶勒抽開閘錢文等弊凡開港民夫合十六十七二

十一二十三等都及方安大宏兩里共三十四圖編甲分派永為

定規立碑儀門前

有記載藝文

長樂縣志

卷之六

水利

三

港

石井港 在二十四都有二斗門外斗門以禦鹹潮雍正二年造內

斗門以蓄淡水乾隆二十年董薛徐陳等姓同造



浦

文洽浦 在縣治東上接資聖溪水下達太平港其流與觀音溪三處相會一在南門內以橫溪為通南門東左右二水關浦水從右水關出入溪水從左水關出入至陽春橋頭又有橫浦相通再轉至紅橋外乃會觀音溪與東門外九溪之水同由太平港西注馬江久漸淤塞明崇禎十三年知縣夏允彝撥項鳩工開濬造暗溝於學宮旁引浦水入泮池以通潮汐 國朝順治十六年知縣姚琅率民開濬因水達泮宮故各文洽浦大書勒石於南門東城牆後又淤塞康熙六十年知縣衛良佐率民開濬乾隆十年知縣戴永樸全議敘州同謝清芬監生陳文德等倡捐買石砌岸上自下

長樂縣志

卷之六

水利

三

浦

櫓橋下至南門又開浦中泥淤填陽春橋頭橫浦直至紅橋外乃

與觀音溪九溪之水合流入江

戴永樸濬文洽浦有引云余昔嘗聞先通議公訓子弟曰視國事如

家事視民事如已事此當官第一要義余髫齡時敬聆之不敢忘迨先君子早世我母汪太孺人恒引以為訓戒以故余筮仕東和凡有地方興革無不稟諸慈訓殫力始終歲庚申先慈見背余奉諱旋里癸亥服闋召見仍歸選入銓補甲子仲春 詔求循良之選卿貳諸公謬以余名列薦拜 命重來閩境秋九月大府委任長樂之篆夫長樂居閩省外邑之首地處海濱民貧土瘠官斯土者惟幸境非衝途可免酬應然而塵案如山訟牒紛雜又以積疲成習民力維艱少不警心動輒得咎以余疎拙曷克當此雖然余又何敢不殫我心力敬求民隱以重負我君親乎下車之始周視城郭山川見有水道故蹟淤塞壅漫滅幾不可放心竊疑此為全城之血脈即通邑之營衛也塞而不通猶人身之病在營衛何可不急以療之訪之薦紳士庶咸進而請曰此文洽浦也實為通邑水利攸關久請疏濬因工鉅費繁輒復中止設得上達我民將悉力以從余聞而瞿然曰地利既宜民情又願余甯敢不以身先之即為之力請上官撥帑興修迺聞省經費無多每格吏議公牘往復徒成築室之謀爰進都人士而告之曰凡人孰不自愛其身



譬如身有疾病各欲急求自治疇肯以醫藥不費甘棄其身而不治者今文治之塞病在通邑營衛間我既為長邑之人則猶我身之營衛受病也何可以公帑無多竟甘使 myself 受病而不治乎余忝為邑長亦不能不少盡我之所能以為之倡凡我長紳士耆碩亦當各切剝膚之痛有力者出力無力者出資以募力不拘多寡量我身而出力必求其疾之盡去而後已則血脈流通營衛融洽自然心神怡暢肢體豐腴以此而享天和溥地利田園灌溉舟楫通達百物豐盈人民駢闐一人自快其身即通邑人人各快其身也曷不鼓舞踴躍而致之乎其有急公好義捐金樂輸者悉交首事紳士公收公支務使實工實料不假胥役之手致有虛耗成工之後余將勒石標名昭示後世以誌同志之盛舉其有不足之處余仍力請上官撥帑以補總期必成以無忘先祖之訓凡我儕偶其各緣年久淤塞乾隆二十八年知縣賀世駿倣均政之法計長短深淺別道里遠近分派各隅都民夫編甲疏濬又自水仙王廟後開濬橫浦新築兩岸直通南門會流入江有記王政莫先於水利利在農也治東有文洽浦利又不專在農而兼在土其浦上接資聖溪左會觀音溪右會十洋街諸水合流由太平港入馬江關通邑氣脈明崇禎間

長樂縣志

卷之六

水利

三

邑令夏公鳩工開濬引浦水以達洋池潮汐往來波瀾蕩漾誠學宮一鉅觀也國初姚公乃重加修濬以其有關於合邑文風因名曰文洽浦大書勒石於南門東蓋以誌美亦以誌重也厥後漸致淤塞前任衛公率民疏濬戴公復倡捐砌造堤岸但工未甚完固中多崩坍且橫浦兩岸俱非石砌泥土易湮不十餘年開而淤塞又如故余自承乏之來修廢舉墜惟日孜孜各鄉水利尤悉心經理合其蓄洩有方矧文洽一浦近在邑東水利之盈虛文運之盛衰俱於是乎係之忍聽淤塞日甚弗為之濇其源通其流以貽久遠之良規乎歲在癸未之春集邑紳士僉謀之倣古均政之法照因起役計糧輸工其用少而糧不及三錢以上者則概從豁免一時各鄉人民莫不欣然從事補其崩坍砌以石基甫兩月而工告成但見浦水潏洄與山光相輝映且環繞聖宮左右芹藻藉以增芳從此天池瑞應首石祥符捷南宮登藥榜者當纍纍而未有艾也況前此當開濬時歌鹿題雁至奪取大魁者屢應如響今也工甫竣而獲雋者亦即夫有人在夫安知非此浦之疏濬實有以兆其庶正未可謂適逢其會也已諸紳士復環而申請於余謂是浦當時加修濬合通邑人民共效厥事費不甚繁工亦非鉅即以前日均政之良模立為將來濬浦之成式是誠可以暫即可以久願有以記之俾後之人知所遵循也余因念力以獨而難支事以眾而易舉集通邑之人謀通邑之事即更有大於斯浦者亦何難從



容而就緒也哉乃因人情之踴躍效命不惟士慶於家抑且農怵於野靡不共樂厥成也遂不禁走筆而為之記

嘉慶二年重濬碑立明倫堂道光二年訓導謝大錫又倡濬久復湮塞同治六年重濬七年僉稟邑侯彭光藻兼修明倫堂又買浦塘尾漁戶住

泊之所地約六畝價一十六千文現將濬浦瓦石堆砌尚未成田

俟成日科租仍率其入為每年濬浦之費在上向已成者自八年起每年納租捌拾捌隨

時酌加

大圳浦 在二都長九百丈溉田四十餘頃內浦口濶五尺深八尺

湖墪浦濶三丈五尺深六尺尾濶一丈深四尺

新浦 在二都首占村道光七年鄉人買田開鑿長三百二十五弓

濶七弓接引潮水以灌民田

長樂縣志

卷之六

水利

三

浦

米瀆浦 在二都長二百五十丈濶二尺深五尺溉田六頃

新塘浦 在二都長一百丈濶六尺深四尺溉田一頃餘

官邱四浦 在二都計一千七百二十丈曰官邱濶一丈深一丈曰

擔水浦濶四丈深九尺曰黃聖浦濶一丈五尺深五尺曰塘頭浦

濶三丈深七尺共溉田六十六頃

還珠浦 在二都阜山村濶丈餘長二百丈溉田二十頃

王坵浦 在三都長一百二十五丈深六尺濶二丈四尺尾濶九尺

深六尺溉田五頃餘

白竈浦 在三都長五十丈濶六丈六尺深九尺溉田三頃

鼈石浦 在三都長二十五丈濶四尺深一丈溉田一頃餘



後角浦 在三都長九十丈濶一丈八尺深六尺溉田四頃

銀盞浦 在三都長七十五丈濶二丈四尺深六尺溉田八頃餘

渡龍浦 在三都長九十丈濶一丈八尺深六尺溉田七頃

坂塘浦 在三都長三十五丈濶二丈四尺深六尺溉田四頃餘

官堰浦 在三都長二百六十丈濶八尺深五尺溉田十頃

古塘浦 在三都長一百五十丈濶一丈深六尺溉田六頃

師娘浦 在三都長三十五丈濶三丈二尺深六尺溉田四頃

浦口小浦 在三都長七十五丈濶七尺深五尺溉田二頃

下籠坂浦 在三都長五十丈濶二尺深二尺溉田三頃

橋頭浦 在三都長五十四丈濶二丈四尺深六尺溉田七頃

長樂縣志

卷之六

水利

五

浦

蟻殼浦 在三都長一百丈濶一丈深六尺溉田十頃

籠臂浦 在三都長三十五丈濶一丈六尺深六尺溉田三頃餘

黃浦 在三都長一百五十丈濶三丈深八尺溉田十頃

檣浦 在三都長一百一十丈濶三丈深九尺溉田十五頃

朱湖高浦 在三都長二十丈濶七尺深五尺溉田二頃通渡船二

隻

溪浦 在三都長十七丈深六尺濶一丈四尺上接高山溪水西達

於江

葫蘆浦 在三都形似葫蘆故名

鄭六哥浦 在芳山濶六丈深二丈溉田十頃



趙塘浦 在四都長七十丈濶一丈二尺深八尺

蘆葦浦 在四都長四百丈濶八尺深五尺

官塘浦 在四都長二百五十丈濶一丈二尺深七尺

孤塘浦 在四都長四十丈濶十丈二尺深八尺

兆豐浦 在四都長一百餘丈濶五步道光十九年里人鳩工開濬

引通潮水灌溉民田旁有橋一座名兆豐橋

九石浦 在四都長三百丈濶二丈四尺深一丈一尺

車下浦 在四都長七十丈濶九尺深五尺

新塘浦 在四都長八十丈濶九尺深五尺

坵兌浦 在四都長二百丈濶二丈二尺深五尺

長樂縣志

卷之六

水利

三

浦

孤舟浦 在四都長四百丈濶四丈深一丈五尺

年重濬八年告成



埭

晉溪浦埭 在縣西隅南長三百五十丈濶一丈四尺深八尺通淡

湖橫埭廣一丈高七尺溉田二百餘石

河頭浦埭 在縣南河頭長三十丈濶六尺中置閘溉田三頃

保豐橫埭 在方安里長十丈高一丈濶八尺溉田一百石

壩

萬利壩 在四都中溪與閩縣白田交界濶三尺深六寸引流而下

分六壩東三壩屬長西三壩屬閩康熙二十三年總督王立碑定

案

沙沽壩 在十都之東

長樂縣志

卷之六

水利

三

埭壩

董圳壩 在十都福湖西半里許同治五年里人公造



溪

觀音溪 在縣東隅其源出自六平白水坑曲折而下通太平橋西注永甯橋入江其溪流故道原從南門外東會九溪之水合流入港而南門內有橫溪與文洽浦水合及出左水關至陽春橋頭又有橫溪順流入浦故道漸致淤塞乾隆十年將陽春橋頭之浦填為公地此水始復故道東折與九溪合流至紅橋外乃與文洽浦

水會流入港

互見文洽浦

資聖溪

在縣之北上接白頂山諸溪水下通下槽橋注文洽浦

鐵爐溪

在縣東隅上通龍津溪水下由新橋達普照橋

九溪

在東門外嶺口洋其水流入河頭浦

長樂縣志

卷之六

水利

三

溪

滄溪

在三都珠湖一名碓塘溪出寺前橋繞麓南流過榕根橋達

浦

龍湫溪

在三都高金兩山之間

中溪

在四都其源出自雪居山縈迴三四里西通閩縣入白田渡

星溪

在六都其源自五都七巖縈迴而出獵溪橋合流下溉田千

餘畝

坵溪

在八都注於潼溪長二百十丈濶五尺深一丈溉田二百五

十石

三溪

在八都源在福清界諸溪水所會歸於破石潭分流為三如

鼎足亦名鼎溪



沙坂後洋溪 在九都長五百丈源自雲梯山曲折而下入於桃枝湖

龍溪 在九都青橋村上接董奉山澗水下通桃枝湖

龍泉溪 在十都源自龍泉山出溉附近民田

石馬溪 在十都源出鯉魚山又出卓筆峯中合爲一溉附近民田

玉溪原名黃弄溪 在十三都長二百一十餘丈中有陂長五十餘

丈溉田四十二頃其源出自翠微峯南通於普塘洋港

劉洋王背大溪中圳劉背二溪 在十三都其背出自白龍潭有五

圳橫圳尺圳礪口圳牛犢圳東攬圳共長一千九百一十丈四閘

溉田種三十石

長樂縣志

卷之六

水利

三

溪

小壩溪 在十三都光嚴寺後源自瀑布泉來中立三瓣石以界水

利東二瓣流入東洋溉田西一瓣流入西洋溉田永爲例

禪林溪 在十三都與紫綾溪相接其流稍急源自石人峯下魯堰

濠溪 在十六都源出華嶺下溉民田

大溪 在十九都大溪山源自福清仰辰山後分流縈迴數里由八

都石門經潼溪入於海溉田千餘頃

社溪 在二十都小社源自鏡嶺下流溉民田達於海

龍下溪 在二十都源自龍下山流溉民田達於海

大畚溪 在方安里二十一都中界其源自黑龍潭而下曲折二里

許達嚴湖



宏源溪 在二十一都其源自太常諸峯而下縈紆因利築埧灌溉  
民田並壩頭田百餘頃

長潭溪 在二十一都太常諸澗並宏源溪水俱匯此下達福橋中  
有益泉壽泉資泉智泉四壑遇旱則濬之以潤田



溝

福田溝 在十都長三百五十丈瀦雨水灌溉民田歲久湮塞明宏治間知縣王渙鑿丁夫重開如舊通沙京港

佛厝溝 在十都普塘港之北乾隆二十二年知縣賀世駿立碑定

案 其略云仰十四都東平村各該業戶居民人等知悉凡爾等所買佛厝邊之田業經駕勘一路平坦並無寸土低下之處向後毋許開鑿水圳以及埋碣俾潤洩漏拾都水利各宜凜遵碑在十都沙京同治八年沙京村族

耆李道實副貢林雲泰等以東平村猶欲冒修等情呈訴知縣彭光藻復給示申禁

崔塘溝 在十四都長一千三百五十丈母溝濶二丈五尺深七尺子溝濶一丈二尺深六尺溉田八頃

長樂縣志

卷之六

水利

三

溝

雲路溝 在十四都乾隆二十六年陳王互控知縣賀世駿定案豎碑儀門右

元祐溝 在十五都上接牛山下通黃埕湖水至於漳港有一小溝一名港山溝一名裏塘溝長五百丈濶六尺深八尺溉田十頃

承天溝 在十六都長六百八十丈母溝濶二丈深六尺子溝濶八尺深五尺溉田七頃

韓塘溝 在十六都長六百丈濶六丈深六尺有小圳瀦宏源溪水溉田七頃

百石溝 在十六都注濱濶湖水尾長六十丈濶二丈深一丈二尺溉田七十畝



東溝 在十七都唐倉曹林鷗鑿開湖溝潦則洩水歸陳塘港旱則  
瀦水以溉民田轉流而東至登賢官路而止宋元祐中縣令袁正  
規開鵬程卓塘周庄各洋水路一鑿渠以通石梁錦橋一鑿卓嶺  
及登賢官路而接此溝遂名龍津

新溝 在十七都仙山高崎村屋後康熙四十七年里民公捐民田  
數十畝開鑿以通濱澗湖水長二百五十丈澗三丈潤田數百畝  
受湖稅造橋二座以通行人

西溝 在十九都舊爲沙水崩壅宋紹興中縣令陳可大捐俸買民  
田開鑿引長林湖水以溉田西流洩于海民鐫南山石以紀之曰  
陳令津

長樂縣志

卷之六

水利

三

溝

鯉溝 在二十一都上連宏源溪下洩陳塘港其形似鯉故老相傳  
夜閒隱隱有巨鯉排空蟠騰故名

唐福溝 在二十一都三星橋順治閒里人陳養志捐貲買田四十  
四畝零開濬兩頭設立閘埧上涵嚴湖下禦陳塘港鹹潮潤田八  
頃

陳塘大官溝 在二十三都跨和風敦化大宏三里長三千二百丈  
深六尺溉田二十餘頃



圳

七星圳 在感恩村七都十二都界長六里餘濶六尺歲久湮塞同治六年仍舊重開漑田百餘畝

普塘洋圳 在十都十四都界長二千六百四十丈漑民田三十六頃

董圳 在十都福湖西半里許

興利圳 在十都

長圳 在十一都青山村濶一丈有奇長二百四十餘丈上接三元橋溪水下灌塘裏洋當流洋下墩洋犁湖洋民田數百畝耕田者各就其田頭取水滋田四通八達順流無碍

長樂縣志

卷之六

水利

三

圳

橫圳 在十三都長九百丈濶八尺深六尺漑田五頃



陂

石瀨陂 在七都宋熙甯三年里人林佛築長五百丈濶二丈深七尺上通破石潭水下溉民田種七百石

荻蘆陂 在七都宋紹興二年里人潘子賢築長六十丈濶三十丈深七尺圳長三百五十丈大圳濶一丈深七尺小圳濶八尺深五尺濬高陂水溉田種五百石

古散陂 在七都宋紹興元年里人潘中丞築長七百一十丈濶七尺高一丈溉田種三十石

新田陂 在八都注潼溪水長六十丈濶一丈五尺深七尺溉田種四十石

長樂縣志 卷之六 水利 陂

灌洋陂 在八都注潼溪水長一百一十丈濶七尺深五尺溉田種一百三十石

南陂 在七都其先為璞石斗門外禦海潮內蓄八都六都諸溪水引灌洋下感恩古縣與頭等村田畝厥功甚鉅明陳紳長祚捐金

重修嗣為海潮衝圯 國朝康熙甲午前邑令衛良佐詳請發帑

金千餘就璞石移上數十武復築即今南陂也嗣又圯乾隆二十

四年知縣賀世駿親加履勘相地經營再移上數十武不費公帑

倡捐廉俸率南北界六鄉里民按田出資按佃出力費金三千兩有奇重加砌築地勢既得工復完固各村田畝固可永資灌漑凡

波流所到之處亦得沾及餘潤洵水利之最大者

知縣賀世駿邑人陳九鼎俱有



記載  
藝文

湖前陂 在八都長二百丈濶一丈深七尺溉田種四十石

周陂 在八都注潼溪水長一千丈濶二丈深一丈溉田種四百石

章陂潼溪陂 在十九都長五百丈一塘二圳舊爲石辦均派水利

東派得六西派得五東湖前辦又分十之二中圳辦分七之一以

益於西始創於宋熙甯壬子迄建炎丁未至明利西流者隳之址

漸湮圖識猶存正統閒東派者訟之得理未及復宏治己未大旱

不穀江田謝疋陳樵等僉議請於知縣王渙乃修湖前辦又造五

分辦均西派之流分數各還如舊而總辦基廢卒莫復也資計頃

畝力役募工伐石結甃堅固

長樂縣志

卷之六

水利

三

陂



堰

鏡石何師新三堰合為一 在十都長二百丈高一丈濶七尺漑田

一十頃

嘉禾大石新成屯四堰合為一 在十一都長一千九百八十丈高

一丈濶五尺漑田種四百餘石

蓮花堰 在十一都 國初調遷廢海康熙間邑令衛良佐飭修砌

設立木欄事詳橫與湖

報恩堰螺丕堰月峯堰潭角堰油鐵堰井頭堰上陳堰下井堰箕畝

堰華陽堰共十堰俱在十一都

洋

長樂縣志

卷之六

水利

堰

堰

福船洋 在十一都橫溝直溝可通潮三溝注大塘水長二千二百

三十丈濶二丈八尺深六尺漑田十頃



坑

金斗坑 在縣西隅半里有泉出焉名太史泉由坑尾下巷下接楠

浦水關

深坑 在青山村大帝山上接豹頭巖水以大礮現成石凹為埧折

田建林寺前灌溉院北洋民田數十畝土名水流白文人學士每

於重陽日登臨其地

溪口溪三坑 在十三都長一千四百九十丈四開溉田五頃

金冬坑 在方安里長九尺濶七尺溉田種十餘石

王坑 在二十一都越王山之西築塘三埭瀦水溉田數百畝

見坑 在二十一都越王山之東

長樂縣志

卷之六

水利

望

坑

